

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

14.10. 2020թ.

ք. Արուսյան

Հարկադիր կատարումն ապահովող ծառայության Կոտայքի մարզային բաժնի Արուսյանի տարածաշրջանի բաժանմունքի ավագ հարկադիր կատարող՝ Արմեն Գևորգյանն ուսումնասիրելով 14.10.2020թ. վերսկսված թիվ 05809365 կատարողական վարույթի նյութերը՝

ՊԱՐԶԵՑԻ

ՀՀ Կոտայքի մարզի ընդհանուր իրավասության դատարանի կողմից 16.01.2020թ. տրված թիվ ԿԴ-1/1221/02/19 կատարողական թերթի համաձայն պետք է՝ Լալա Նորայրի Ղալեյանից հոգուտ «ՎՏԲ-Հայաստան բանկ» ՓԲԸ-ի բռնագանձել 331.508.80 ՀՀ դրամ /որից՝ 302.313.80 ՀՀ դրամ՝ վարկի գումար /որից՝ վարկի ժամկետանց գումար՝ 63.792.30 ՀՀ դրամ/, 9.499.20 ՀՀ դրամ՝ վարկի դիմաց հաշվարկված տոկոսի գումար /որից՝ ժամկետանց տոկոս՝ 8.264.10 ՀՀ դրամ/, 506.20 ՀՀ դրամ՝ ժամկետանց տոկոսի դիմաց հաշվարկված տույժի գումար, 3.691.60 ՀՀ դրամ՝ ժամկետանց գումարի դիմաց հաշվարկված տույժի գումար, 15.498 ՀՀ դրամ՝ վարկի սպասարկման հաշիվներ/ որպես վարկի ընդհանուր պարտքի և 6.630.20 ՀՀ դրամ՝ նախապես մուծված պետական տուրքի գումարը:

Վարկի ոչ ժամկետանց մնացորդի նկատմամբ պայմանագրի 1.1 կետով նախատեսված 9 տոկոս տոկոսադրույթի հաշվարկը շարունակել 05.04.2019թ.-ից մինչև դրա փաստացի մարումը, բայց ոչ ավել քան 29.05.2020թ.:

Ժամկետանց վարկի մնացորդի և հաշվարկված տոկոսների նկատմամբ տույժի հաշվարկը 05.04.2019թ. մինչև դրա փաստացի մարումը շարունակել օրական 0.09 տոկոսով՝ յուրաքանչյուր ուշացած օրվա համար՝ հիմք ընդունելով 01.06.2018թ. կնքված վարկային պայմանագրի 6.1 կետով նախատեսված տոկոսադրույթը: Պայմանագրի 4.1 կետով նախատեսված ամսական սպասարկման վճարների հաշվարկը շարունակել 05.04.2019թ.-ից մինչև վարկի փաստացի մարումը:

Երրորդայի հիման վրա և ղեկավարվելով « Դատական ակտերի հարկադիր կատարման մասին» ՀՀ օրենքի 28, 28.1, 67 և 43 հոդվածներով և « Հրապարակային սակարկությունների մասին» ՀՀ օրենքի 35.1, 25.2, 35.3, 35.4 հոդվածներով

Ո Ր Ո Շ Ե Ց Ի

Պարտապան՝ Լալա Նորայրի Ղալեյանի կողմից գրավադրված ներքոհիշյալ գույքը

Ի/Ի	լուծի անվանումը նկարագիրը	գնահատման գինը	մեկնարկային գինը	գույքի քանակը
1.	Ոսկյա թևնոց հարգ՝ 730, քաշ 19.2 գրամ	397.440ՀՀ դրամ	298.080ՀՀ դրամ	1 հատ

ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով: Հարկադիր էլեկտրոնային աճուրդի սկիզբը՝ 04.12.2020թ-ին:

Որոշման պատճենը ուղարկել կողմերին

Որոշումը կարող է բողոքարկվել վերադատության կնքգով, որոշումն ուժի մեջ մտնելու օրվանից հետո՝ երկամսյա ժամկետում կամ Հ.Հ. վարչական դատարան օրենքով նախատեսված ժամկետներում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով սահմանված կարգի:

Ավագ հարկադիր կատարող

Ա. Գևորգյան



Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե՝ աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Տասնհինգերորդ հարկադիր աճուրդը չկայանալու դեպքում հաջորդ աճուրդներում լոտի մեկնարկային գինը չի իջեցվում: Տասնհինգերորդ հարկադիր աճուրդը չկայանալու դեպքում հարկադիր աճուրդի է ներկայացվում նաև պարտապանին պատկանող՝ օրենքով սահմանված նույն հերթում ներառված այլ գույք, իսկ նույն հերթում ներառված գույքերի անբավարարության դեպքում՝ հաջորդ հերթում ներառված այլ գույք:

«Հրապարակային սակարկությունների մասին» ՀՀ օրենքի 35.4 հոդվածի 4-րդ և 5-րդ մասերի համաձայն՝ երկրորդ և յուրաքանչյուր հերթական աճուրդից հետո, լոտը / գույքը / չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ԴԱՀԿ ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց հետո, իսկ գույքի /լոտի/ հանձման կապակցությամբ հարկեր վճարելու պարտականություն առաջանալու դեպքում՝ նաև դրա կատարումը հավաստող փաստաթղթերը ներկայացնելուց հետո: